


三才圖



道藏輯要

易說圖解

七

壁集一

三才者以偶之二疊於奇一之上數象合三乃天地人之全體也天開於子地闢於丑人生於寅以人而具二炁之精立兩儀之極而首出乎其中矣以藐然之身而乃與天地並立為三至其為道又與天地混然而無間其可不知所以自立之義哉蓋盈天地之間者惟萬物而人居萬物之一物之感人人之應物無時不然及其擴充運用正三綱明五教序萬事窮理盡性以至於命致中和贊化育參天地而相與於無窮者人又與太極同其功用也故易之為書也廣大悉備有天道焉有人道焉有地道焉立天之道曰陰與陽立地之道曰柔與剛立人之道曰仁與義也是以三才之統還於太極之一也